en fa faison; & cependant tout le monde mouroit de faim, sans qu'on peûst trouuer remede à cette misere publique. Les anciens s'assemblent, ils tiennent plusieurs conseils, le tout en vain, la neige continuoit tousiours: alors quelqu'vn de la compagnie dît qu'il se fouuenoit des menaces que nous auons raconté; incontinent on va deterrer le mort, on le brusle, & aussi-tost la neige cesse, & le printéps luy succeda. Qui croiroit que des hommes pussent adiouster soy à des choses si ridicules? & cependant on les tient pour des verités incontestables.

Nostre bon vieillard n'est pas seul de sa Maison à qui Dieu a fait misericorde; ses deux filles qui ont [95] esté cause de son salut, ont sans doute esté attirées par fes prieres dans le Ciel; car l'vne estant frapée d'vn mal qui ne dura que cinq iours, Dieu conduisit mes pas si à propos pour son bon-heur eternel, que ne m'estant pû rendre chez elle, que le soir auant sa mort, i'eû le loisir de la disposer au saint Baptesme, qu'elle receut, pour aller en fuitte auec fon bon pere, l'accompagner dans la gloire qu'elle luy auoit procurée. L'autre fille a furuescu à l'vn & à l'autre, & a comme herité leur pieté, i'ay trouué cette femme si fage, si modeste & si affectionnée à la foy, que ie n'ay point douté de l'admettre dans l'Eglise, par la participation des facrements; Toute la famille de ce bon neophyte, qui est nombreuse, se ressent de cette bonté, qui semble leur estre naturelle. [96] Ils ont tous de la tendresse pour moy, & par vn respect qu'ils me rendent, ils ne m'appellent pas autrement que l'espere que Dieu fera à tous misericorde, car ie les vois enclins à la priere au dessus du commun des Sauuages.